

梅亭四六標準

共三六四

内閣文庫			
函	架	特四十二類 一七四二號 一九冊	漢書

合共

内閣文庫			
番號	漢	11742	
冊數		19(12)	
函號		3	5



国立公文書館  
National Archives of Japan

原本の文字など不明瞭な箇所があります。

梅亭先生四六標準卷之二

十三宮城書藏

都大

賀新除川秦茶馬魏戶部

必

顯陟臺郎總提廩政文昌六部地官見謂之劇曹  
武騎萬營天府復專於隆委祿因德詔材與事宜  
恭惟其官心平而氣和人今而學古公侯子孫之  
必復固有世臣名義鬼神難欺實由家學琮璧  
不雕而自貴鸞和隨動而有聲屹立夔人之藩籬  
何翅晉陽之保障儉以足用節而愛人迄轉上聞  
首膺表選擇蘭依烏之位內陪從於太微摘茗市

駿之司外分節於少府職任昔分而今合事權滋  
重以不輕一洗空萬古之凡會如雲錦六經濟三  
尺之法歸近天顏輕破睡正濃之詩小試思無邪  
之幸某苦慙驚骨復飲蕃頤王良後造父先亦有  
馳驅之志汲黯贛寬饒猛恐非採掇之材

代通制帥通四川趙茶馬 彥縮

分巴跡之旌旗濫膺守土占益州之分野知有使  
星欣竊庇之自今愧修辭之已晚恭惟某官風猷  
凝遠天韻宏深博極羣書太乙之藜相照文焰萬  
丈長庚之夢不虛藉未陳周召之詩書亦宜獻間

平之禮樂恬為丞之再轉甘出守之一麾刻銅虎  
之符游揚美最護木牛之餉益茂膚公謂宜運海  
以搏鵬又使摘山而市駿周原之茶膾膾包以紉  
奩魯坳之馬駟駟爛如雲錦豈容黔突行有紫泥  
某頑頓之資踈鹵於事將拍以出濫持天子之節  
旄無功而還不得月氏之要領敢意冒升於荷橐  
且令假守於銅梁有如凌兢何以全度東西之瞻  
使節儻未賦於旋歸前後之間清塵尚有餘於同  
味

代回張茶馬 子震 純用茶馬事

奏最蕃宣易司擁牧卧雲而逼象緯榮分東壁之光摘山而市駿蹄益固西秦之圉恭惟某官味甘苦永心秉塞淵出乘兩腋之清風已親法駕勒回中道之奔電歸扞渴羌茲揚春山之旗久擁東方之騎非環非玦上有雙鸞載馳載驅駕彼四牡取月團三百片之羨包以細奩供天子十二閑之須爛如雲錦佇頒鳳夸趣扈龍旂某有味溪芽無心天秣烹玉澆過秦之論徒抱渴塵籥雲作徠漢之歌更觀逸足

代錢塘趙縣丞通史都大

彦的

佐赤縣於京畿曾微善狀望繡衣於霄漢輒贊空函誠知使者之輶軒寧顧丞哉之廳壁恃仁人之在上實善類之焉依敢瀝寸丹敬裁尺素伏念某地寒無挾天賦甚慳濫綴族盟既愧宗英之卓爾僅憑門蔭又斬舉首之衰然粗謹守於廉勤亦徒勞於州縣每發辛勤三十年之嘆若爲扶搖九萬里之程頃贊武夷之六條及識文昌之八座青冥強箭妄希一發以五犯綠水寒波竟少九門之兩翼茲贊日畿之邑輒爲露剡之謀冒於一來茫然四顧盡拚去牙角豈無對立之松槐託根借恩光

誰念無言之桃李茲聞皇華之使實司造化之爐  
遂忘躍冶之嫌輒控問鈞之請恭惟某官清涵沆  
灑峻稟扶輿若伊陟若咸賢合繼相門之相有封  
胡有羯末乃安常調之常五馬不受於二毛八駿  
又馳於四牡良弓良冶廣開橐籥之權鑄金鑄人  
總出陰陽之炭園法令行而禁止方兄昔歉而今  
豐點鐵成金實在一陶之巧匠鎔銅合穎即成百  
尺之浮屠

代回史都大 定之

光奉宸綸真持使蕩方千里而賦政久歛惠於一

州園九府以通財遂褰華於數路恭惟某官人曰  
有偉風調不亢番君得江湖之心不但番宣之績  
史公引漳鄴之利更高城築之功暫司坯冶之權  
洞識貨財之本恩隆正任使以大名地上流錢會  
當裕子母之積階前生玉行將繼叔父之風某密  
託隣光遠依夏庇六轡如組未遑瞻原隰之華萬  
物爲銅願益楹陶鎔之業

代回鞏都大 嶸

杓攜龍角星駕賢勞氣轉鴻鈞天休滋至恭惟某  
官司存園法贍足方今坯冶一陶財不期而豐美

陰陽爲炭道已長於泰交撫于五辰歛是百福某  
空糜囊俸猶綴橐班誤出山林聚鐵已難於鑄錯  
頌成椒相磨鈔聊具於報章

代回鞏都大

恭惟某官總攝三官阜通九府錢流地上知鞭筭  
之奏功人自日邊佇軺封之趣覲

代回鞏都大

持橐無功蒙誤恩之起廢飛箋爲惠勤妙語之嘯  
枯有味其言不知所謝恭惟某官器資凝遠材譖  
深長時方多艱政有藉貨財之本公雖少屈亦足

之權行觀地上之錢流即聽日邊之璽召  
某投閑暮境躡貳秋卿燁然尺牘之臨甚矣蒼顏  
之愧藏之十襲感厚意以無忘雖則七袞覺報章  
之弗稱

提舶

代回市舶聶提舉

周臣

肅駕星軺總司海舶舳舻千里有無得以懋遷胡  
越一家內外服其平準是爲虜使允屬通材恭惟  
某官卅濟象賢早騰燕譽青氈舊物蓋旋北斗之  
樞畫戟凝香晚試南交之宅不嚴而化所去見思  
惟是嶺陬久資璇稅扶胥黃木習廉介之具孚銀  
甕白環紛貢珍之並入貪泉酌水已知吳隱之心  
祥麟送颿佇應孔戣之召某卜鄰有幸賀厦已稽  
六秬五羊難續遊仙之夢尺書雙鯉空慙寄驛之情

代回趙市舶

惟鳳

奏課分符乘輅司舶候風入貢固常聚蠻越之珍  
酌水獻箴要當試夷齊之飲聞君廉甚職此宜哉  
恭惟某官蔚若宗英濟之世美再試弦歌之政所  
去見思一陶襦袴之功不嚴而治惟時嶺外交貨  
海中然商賈筭至舟車漢非得已若犀珠賄及僕  
隸唐已病之今大夫不務富其家則行旅必願出  
於市得人如此通國稱之某雖縻於茲行引而去  
露螢不暖安得照十二乘之車檣燕語留聊復答  
咫尺書之便

卷之二十三

梅亭先生四六標準卷之二十四

漕使

賀新潼川黃運使

申

知榮州作

疏恩北闕將漕東州次公之最既殊宜登丞弼叔  
度之撓不濁暫借澄清和氣褰帷仁聲載路恭惟  
某官負材瓌碩迪德忱恂怡然不辭小官之時恢  
乎可以大受之量盤根利器無四顧之全牛大輅  
鳴鳶洗萬古之凡馬茲收三近古之郡實昔再轉  
丞之邦田里無愁嘆之聲所居民富原隰有光華  
之遣果若人言惟益部之使星俱高而潼漕之門



地尤峻建臺移治蓋田諫議之言持節策名有趙  
清獻之烈惟公濟美與古匹休使臣得咨訪之周  
上意知總領之稱某偶乘一障獲託萬間蹊田方  
窘於奪牛斗水誰哀於涸鮒即日褰裳而求去聞  
公攬轡而少留有刺史之榮無刺史之難是在使  
者飲故人者恩按故人者法惟所命之贊慶攸初  
乞怜是愧

賀黃運使交割

申

知榮州作

攬轡撫封褰帷問俗漕下冰解俟原隰之載馳財  
阜風薰與輶軒而偕至民無罪歲帝有德星恭惟  
某官簡要而恢通優游而昭晰萬頃不濁何能撓  
叔度之清四國于宣所去思次公之政暫別峨眉  
之月來觀涪右之風豈徒榮練鵲之袍察二千石  
蓋將倚木牛之運出五丈原列城暫倚於澄清衆  
職恐煩於總領某冒乘斗壘幸隸井封君子憂道  
不憂貧餅之罄矣國人望公如望歲雨以潤之

賀呂提刑除運使

詳刑奏最轉漕升華統部不移令已孚於先甲事  
權益進命不待於重申六轡借留百城胥扞恭惟  
某官負材鴻碩蓄德駿厓家學淵源擅箕裘之弓

治世臣闕閱屹鼎鼎之樓臺盡徑歸清切之班顧  
游屈皇華之寄二節三節俾詳察於風謠特書屢  
書已茂登於歲績茲峻登於延閣俾專制於計臺  
地上錢流欲暫煩於鞭笞日邊人至即送上於橐  
班某幸甚受容復茲竊蔭三熏三沐僅能寓致於  
雙魚載馳載驅行賦勞還之四牡

賀夔路徐運使

瑄

叱馭及疆褰帷問俗察二千石知遠有於光華登  
百八盤亦備嘗於險阻神明所相忠厚為周恭惟  
某官德配春華氣涵秋杳平生仁義所學皆本於

孔周單辭明清致君亦欲其堯舜出騰縣最入重  
郎潛謂拾級以升高忽抗章而引外汶川鄭水今  
為湖北之偏州漢廣江沱久矣召南之美化雙旌  
矣止五袴暖然諒思檢校於杜詩遂賦馳驅之周  
雅瞿唐五六月自昔畏團團之天巫山十二峯何  
况濟朝朝之雨遂勞六轡峻陟萬山蛇退猿愁人  
何堪而至此絨啼駢嘯公所過以晏然聞蜀道分  
八使之權以夔漕為諸司之冠家有鹽井固足操  
用度之贏民無錢爐似亦困征輸之役一賢既入  
百姓何憂遠而使之觀其忠可窺上意使者專焉

得其道寧有遐心功名留久遠之看富貴乃緒餘  
之事如某者无用於世所敬惟賢頃聞武城之弦  
睢盱慕藺近載益州之舫邂逅識荆便蒙許載之  
後車且復拍迷於前路稱曰知已知己未也更容  
受察於六條待以國士國士報之寧敢貢諛於尺  
牘

賀李運使鼎

起家將漕揭節濟湘舊令尹之雙鳧甫去十五年  
之近部刺史之四牡今察二千石而來民距躍以  
爭迎公馳驅其何憚恭惟某官篤誠而明允簡要

而清通言行擇君子之中庸德業得賢人之久大  
十年出幕孰居行營司馬之前萬里封侯乃在諸  
妾校尉之後勇襟望郎之被出塞膚使之帷爰從  
綠波青苴之間尽覽赤甲白蓋之勝金掌甫升於  
卿月玉鈴又屬之將星与其食武昌之魚又看種  
柳不若蠟永嘉之殺少待戍瓜有懷清絕之大招  
復賦皇華之小雅暮捲西山之雨曉行湘水之春  
洞庭無波聊護木牛之運牂牁爲徼皆知竹馬之  
迎有功見知不遠伊邇某強顏佐郡偃指終更非  
有海沂之功可歌別駕豈謂瀟湘之地又逢故人

偶聞報之不先慚奏記之已晚儻怳秋水長天之  
共且善助之庶安清風明月之分會且歸矣

通張運使嗣古

飲水西江未及瞻舍人之樣披雲南嶽行當參都  
漕之臺欲提聳丞上累膚使寸舟炯若尺素布之  
恭惟其官心契九秋眼高四海周情孔思探鳳髓  
以調膠宋艷班香拔鯨牙於刺手早司存於雨露  
既感會於風雲厭承明之廬人共期於三入歸靈  
光之殿天實相其獨存聊歌小雅之皇華來領大  
招之清絕上原下隰拓長沙千里之平重江復湖

護洞庭九州之大齒髮未凋於計相腹心當屬於  
留侯豈舍王哉今召君矣伏念某蟬聯成紀鳧徙  
臨川家故一寒無虬蟬蟻子之援官仍獨冷有驪  
駒狗曲之嘲歸尋黃獨之苗甘老青精之飯猥蒙  
文石之陞俾讀武岡之銘自非使者之汝容轉恐  
丞哉之余負鄉人見孺子之入諒亦惻於仁心長  
史無宰相之才詎敢干於薦口

通湖南黃運使桂

乘輅將漕攬纒濟湘光粲璧奎卿月謂升於金掌  
祥開翼軫魁星顧聚於玉衡四海歉然重湖幸甚

恭惟其官果達而藝直大以方文武兩科蚤占羣  
英之冠冕忠信一念允為百世之楷模恬要路之  
在前甘急流之勇退東觀聿跡於蓬頂南風遽愴  
於棘心既釋素冠盍持紫橐顧賦皇華之雅來尋  
清絕之騷開天柱紫蓋之雲民巖洞見澄洞庭青  
草之水地險弥堅杜陵何憚於曉行賈傳即觀於  
夜對其一寒寡與三暑投閑頃者誨館下之生不  
能教胄今茲補黔中之佐定是負丞所幸綴曲江  
之題或可逃直指之斧貴賤位矣雖有一龍一猪  
之分左右采之固在四牡四駱之下

通潼川程運使遇孫

度劔閣之險戍月凄然望玉臺之遙使星明甚久  
欲布仰高之烟茲併修賀上之恭恭惟其官心平而  
行高人今而學古影纓諾仕大夫爭羅而致之澤  
笏造朝廷臣無出其右者捨萬里九霄之騰踏甘  
五年一節之回翔不辭載馳載驅之勞茲見可久  
可大之業碩果何嫌於不食包瓜自得於含章皇  
皇者華昔固重周原之寄漉漉其泚今况屯渭上  
之師願策木牛流馬之功却振金爵觚稜之步某  
學未能信年不後人直為文翁留再剖之符遂使

石洪奔一盂之飯舟經灩澦鬢已竟其雙蓬路入  
褒斜命已危於破竹徒竟長安之咫尺竟慚淝水  
之八千河內願借留恂豈但任轉輸之委漢中無  
所事信倘或辱薦引之知

代通成都梁運使

綸

代董制帥

隨八月之槎遂離漢闕望一星之分已次蜀都瞻  
之在前矐若乎後敢伺下車之始輒修上記之恭  
恭惟某官器宇弘深風猷凝茂學有家法肯甘州  
縣之徒勞政作吏師自合公侯之必復勇襟潜郎  
之被高褰膚使之帷古來天府之腴莫如益部今  
使雪山之重是在我公諒由四牡之華即有九年  
之積不勞黔突亟下紫泥某久汗班行獲聯事契  
豈謂半符之剖又依六轡之馳江路市橋想已遂  
碧雞之訪天梯石棧得无憐黃鶴之飛

上兩浙丘運使

壽雋

索米待公車之命僅志抱閔轉粟給中都之官猥  
容入幕實有得賢主人之賀未知事大君子之方  
斐然修辭滂若下汗伏念某寸勇尺懦一拙百罹  
學不知方徒爾疲精神於蹇淺仕未能信尚何計  
班資之崇庠然半生脫進士之場已三仕作諸侯

之客碧雞坊裏側身猶望於早還白鹿坡前戰骨  
自甘於速朽偶獲返屠羊之役乃存罹舐犢之悲  
五削猶溫一簣正湏於補考百念旣冷連年不果  
於到銓親故開陳勉強抵此公卿推輓伺候久之  
敢期得闕於日畿乃可託身於冰漕使者持斧實  
總陝東陝西之權賓之初筵宜得洛北洛南之彥  
詎應庸譴可備詔諏伏遇某官李本家傳材周世  
濟四顧千牛之立解一鳴萬馬以皆瘖人懷召虎  
之來宣日望伯禽之拜後導夙夜宥密之命亦旣  
許時聯朝夕論思之班自應平步願以翼翼四方  
之極託之皇皇六轡之華磔其梟狼了不容於掩  
耳壯哉雀鼠必從是以革心六條觀風萬物吐氣  
孝者善繼人志是以似之欽哉時亮天功自此升  
矣尚念其一無操挾全蹈闊踈鵲繞月以何依幸  
二天之獨有魚泳川而相得或尺地之可通尚從  
吏師稍勉政事大事則從其長倘堪藏拙於小官  
先達者爲之前諒亦垂情於後輩

上湖南曾運使

槃

主俗吏之簿書竈方夜祭瞻華使之禮樂槎自天  
來半生忍渴於見賢一旦奉身而受察喜而不寐

文以足言恭惟某官得春委和与秋争潔接江西  
之正派克肖茶山抱河南之遺書久窺禹穴根抵  
學問緒餘功名平生惡巧宦之圖握蘭厲耳所至  
成循吏之傳騎竹驩然游蔽芾於甘棠始逶迤於  
苞栩謂予環而趣侍又濡轡以載馳去江入湖彼  
善此蓋有之矣轉倉將漕唯与阿相去幾何人疑  
王事之獨賢公未帝城之願入洞庭九州之大近  
困轉輸衡山千里而遙正須廉訪揮王志慮摩俗  
痛愁續荆潭唱和之詩不妨幽眇對宣室鬼神之  
問會即超遷某承學諸生就官一列寒窻事業私  
知對白以抽黃矮屋官曹今使出朱而入墨懷哉  
君子之易事樂只小官而不辭向來一瓣香之詩  
南豐固在下有千歲苓之句東坡謂何

通權運司牛都大

大年

承流弗績亦思歸味於蓴鱸轉漕非才敢取弃餘  
之竹馬負决難於超乘倭已見於循墻蓋以寸高  
布之尺牘恭惟某官洙泗正季淮海俊人言行一  
擇乎中庸名實兩孚於上下清標雅操立獨鶴於  
人間遠韻遐心送孤鴻於天末頃厭獬豸鷓鴣之  
命來爲蚕叢魚鳧之遊天子十二閑爛如雲錦月



團三百片美若金莖廉不近名儉皆中礼脂膏自  
潤昔者人謂斯何圖史疑塵去之日如始至王覲為  
可帝念在茲正須清猷之一琴往減汾陽之半樂  
某游從二紀奔走百罹方其弄月於眉山敢望占  
星於益部已騰免牘異奉俞音萬一不已於馳驅  
再三尚求於教誨汝張汝弓汝鼓當飽顏行我任  
我輦我車悉希指示

代回夔路王漕顧問

疇庸司庾易節將輸激江西之波既蘇涸轍之鮒  
踏巴東之磧更觀常山之蛇使乎賢勞王所簡在  
恭惟某官德浮於位材裕其官熟路輕車固有長  
驅之地急流巨艦獨高難進之風一麾江海之行  
千里湖山之得既田里之無愁恨宜原隰之有光  
華或謂歛散之權未展澄清之志木牛轉漕何妨  
籌策之紆金馬著書行見詔除之渥某緬惟新治  
恍惚舊游福星所臨遙想疲民之樂業豐年可慶  
幸為老守而寄聲

代回夔路王運判宗孟

洵歷麾符榮將節傳彤襜繡斧新礼樂之光華赤  
甲白鹽壯江山之彈壓既均六轡坐幹千艘恭惟

某官抱負甚竒踐揚茲久屢登一鶚之表綽著能  
聲四分五馬之符居多善政有華將拍不遠觀風  
認常山之蛇默識木牛之運跨灑瀕之象佇觀畫  
鷁之來某漫浪之期差池其羽走長安之日又陪  
上雍之祠占蜀道之星還作高唐之想

代回潼川張運判

師夔

代董制置

傾蓋相驩夙承雅契驅車見顧敬佩高情更勤四  
六之貽弥認再三之眷恭惟某官材猷膚敏器誦  
端凝使節皇皇夙抱靡依之感吉事總總行膺不  
次之除某甚感珍投莫知瓊報藏之十襲足爲篋  
笥之光雖則七襄不稱襜褕之贈

代回楊國博

丹筆祥刑幸依光於翼軫繡衣轉漕忽改次於斗  
牛甚慙徇鐸之初有缺褰帷之慶高情厚甚下問  
燁然恭惟某官獨抱古心力行正道太孳晨入士  
皆樂於有師湘水曉行民蓋幾於无訟自天出綽  
易地乘輅莫非王民何此界彼疆之隔徒得君重  
助春生秋殺之仁尤恐紫泥不容黔突某罔功閱  
歲撫事懷人有所不通方將考德而問業何去之  
速遂使離羣而索居所幸鄰壁之輝尚借滎河之

潤交泰亨而君子長惟此爲然有德進則朝廷尊  
遐不謂矣

代董制置回利路楊運判九鼎

升班延閣易漕价藩煥乎有文章上直堯言之祕  
送之以禮樂再華周道之驅就擁雙旌榮開疊組  
恭惟某官揆材膚敏稟德浚明湘水兒童能說輶  
軒之風采峴山父老尚懷裘帶之功名暫從神圉  
之遊實簡明庭之眷駕言龍節將指夔藩富媪孕  
靈坐溢牢盆之利姦胥落膽盡空訟鈿之寃帝念  
葭萌地鄰岫冢木牛轉粟路即達於褒斜銅虎剖  
符師可臨於秦隴有嚴三命欲集兩長東壁圖書  
自它有耀北門管鑰無競惟人某辱託爲寮尤深  
贊慶聞之道路恐又啓十乘之行修其簡書尚當  
爲九遷之賀

代回湖南鄭漕肇之

曉行湘水遠知禮樂之華老入明光近抱簡書之  
畏因遺我雙魚之繾綣知駕彼四牡之春容恭惟  
某官輿李長材英声茂實勒足奔電洗凡馬而一  
空運斤成風解全牛於四顧入朝甫爾出牧翩然  
撫字勞心香未安於燕寢澄清有志恩已賜於鵲

袍拓長沙千里之平既均六轡護洞庭九州之險  
坐幹萬艘行奏計於甘泉即立班於文石某蒲柳  
之質糠粃在前芻狗已陳不意復蒙於文繡槐龍  
對舞所期及識於衣冠

代回淮南徐運判 煇

榮驅漢節給饋淮壩禮樂遠而光華著聞于古師  
旅加之飢饉聚見于今欲息隱雷之聲正藉福星  
之照恭惟某官李為可用才靡不宜素所蘊藏皆  
及物之志久於歛退無希世之心既交章於北臺  
乞來歸於東海夜前席而入對晝衣繡以亟行奪  
螻蟻烏鳶之遺黎使肉骨之再活捕蠅蝨騰賊之  
餘孽無翅股之復搖苟可救民諒深體國盤根之  
別利器歲計有餘乘槎而歷天津風斯在下某過  
勤巽謝仰認謙撝寒日荒荒詎宜貪帝所之夢春  
郊處處猶將觀使者之功

代回福建趙運判 美言

起家越上將漕閩中送禮樂而有光華古莫重乎  
膚使一道德而同風俗今又在於廉車公無遐心  
民可吐氣恭惟某官持操甚厚揚歷深至至今京  
兆之歌曰前有趙宜入承明之直無以易堯不應

七聚落之間復勤單輅傳之出惟西北風塵之已  
息而東南雨露之猶慳問俗及豚羔山谷之詩云  
爾羨君超鸞鶴坡仙所詠非耶少觀荔子之丹即  
拜芝函之紫某未由旅賀例辱損箋分民病之憂  
願謹衣篝之護後天下而樂佇榮袞繡之歸

代回江東莊運使

夏

奏功司庾將漕陪京一道服於教條不勤易地六  
轡熟於原隰益足觀風中宸眷隆上流勢重恭惟  
某官材全業鉅學廣聞多高義之薄雲天早奮何  
蕃之勇道山之鄰日月晚讎劉向之書輟從著作  
之庭出任皇華之寄聚萬民於荒政驅四牡以賢  
勞如此人才盍來歸於金馬柰何天塹方仰給於  
木牛風景不殊星言夙駕師旅因之飢饉正藉筭  
鞭氣色益以晶明佇頒召璽某冒焉浪出未以汰  
歸訪斗牛邊已後君平之問以春秋對佇觀莊助  
之來

代回江西李運使

玠

起家乘傳將漕餽軍澗河以東之民去思未遠大  
江而西之地來莫已歌有志澄清何憂盤錯恭惟  
某官名隨日起材應時需近使之煩使之殆無施

而不可善人也信人也似未足以相名方人物之  
眇然而江濤之如此天子有詔固將大任於陸君  
皇帝曰嘻猶有未平之劉闢樵蘇後嬰弩矢前驅  
繭絲乎保障乎公必本根之急濡需者卷婁者彼  
何鼎鑊之逃紅旗破賊黃紙除書直相先後盡棟  
飛雲珠簾捲兩寧久回旋其側聞下車方規上記  
受一廛於仁政亟欲謀歸勞四牡之使臣別遲贊喜

代回成都林漕文仲

將輸沔北易節劔南斜谷列屯方仰木牛之運少  
城一道已先牡馬之迎下車云初載路相慶恭惟

其官好是正直擇乎中庸迎風寒露之玉壺泐其  
清矣暖日生煙之錦瑟和亦溫然自奏郡庸出司  
漕計乘槎直上天已界於漢中叱馭疾驅星忽臨  
於益部聞數萬人通千里之役須十餘鍾致一石  
之糧弩矢前驅樵蘇後嬰諒賢勞之无憚在聖眷  
則甚深其借潤德鄰升華工正錦城雖樂期公乃  
在於早還金門少留即日會觀於暮召

代回湖南曹漕彥約

按荆湖右轉漕湘中六轡如絲雖賢勞於原隰三  
軍挾纊亦流潤於京師恭惟其官儒學醇明吏材

膚敏自策扞城之績亟膺持斧之榮告舍人趣治  
裝適當寇警見大夫無可使誰給軍儲徑煩行李  
之來以成破竹之捷民亦勞止因之師旅以柰何  
我儀圖之殲厥渠魁而已矣小觀耆定即見勞還  
某縻職雉官馳神燕厦歲月如代空驚揚糝之在  
前造化爲工行見積薪之居上

代回湖北王漕允初

起曹愒日甚慙清切之司信使觀風有渥皇華之  
遣先勤下問良佩高情恭惟某官望實飛騰典刑  
炳蔚一俞一咍當入陪廣厦之輶載馳載驅還復  
動陽春之脚有華清越施及凋蒲某曳履胡顏投  
簪甚力老驥真老寧復恋立仗之芻孤山不孤行  
當迓在原之轡

代回淮西傅漕誠

虎符奏最龍節疇庸礼樂遠而光華遐心何有師  
旅因之飢饉敏手是資恭惟某官機量醇明材猷  
敏劭駒在彼谷已空北馬之羣魚躍于淵盍展南  
鵬之翼甫班天上復守雲中帖四境之繹騷集萬  
民之離散茲由畫戟就易繡衣雖合符得節若平  
進之常然疊組重珪非他道之比少煩咨度會即

勤歸某願友多聞獨欠一識整六師而截淮浦正藉  
來宣使百工而求傳岩猶堪共役

代回趙漕

彥倓

殿藩江介轉漕湘流表得賢侯州乃无於一事衡  
為巨鎮食何有於九年宜煩單車以餉千里恭惟  
某官傑韜國器表立宗英出而專城奎書勉厲之  
有效入焉繕器工匠技巧之咸精侈兮南箕歸止  
西陌自起家而予郡已知國之得人田里既無於  
嘆愁原隰遂華於禮樂四郊如靖一節以趨某引  
分投簪蒙恩分組景翳翳以將入所欣瞻衡宇而  
載奔芳菲非其弥章更願折瓊枝而繼佩

代回江西胡漕

櫟

奪情許國將拍餽軍移孝則忠蓋古所謂大臣者  
知遠之近故今用之鄉人焉恭惟某官挺有祖風  
蔚為世德中外踐敷之久聖明簡注之深素韞三  
年方枕曾參之塊綠林一日忽干通德之鄉觀察  
使急於賦焉見大夫无可使者惟閔子嘗要經而  
服事至伯禽亦卒哭而御戎帝曰汝諧公為民起  
樵蘇後爨政觀韓信之竒弩矢前驅豈耀長卿之  
貴某相識雖晚所聞已多山林鷗魅之姦何遽至



是京觀鯨鯢之績願阜圖之

代回黃漕學

典獄參聯久虞瘵曠共一宿願長忽冒攝承浪自揣  
於頭顱難上司於喉舌無路章控免天聽莫回諒四  
牡之光實分隣壁致五鳩之正職代庖人方伺端  
以亟圖候謝忽鳴謙之先辱宗裁復之敢稽

代回湖南徐運判輝

四牡之勞使臣久稽王觀五維之工正謬竊君  
恩曾巽謝之未遑已謙光之先恭惟某官王之  
膚使古之謀人雖駕車章身實於於數器故四

印勞不嘆於獨賢淮海无波京師知潤遂使雲司之  
白与分水佩之蒼某聽履可慙投簪甚切集于苞栩  
遥瞻星言夙駕之光收之桑榆已畏日暮倒行之戒

代回廣西楊漕方

起家子節將漕宅南高明有融及物之心未了選  
擇而使重遠之意可知恭惟某官明善成身為仁  
由已三仕无喜色三已无愠色養之浩然兩喜多  
美辭兩怒多惡辭聽其自爾及茲更化復此立朝  
遽為襍被之行適有褰帷之寵莫非王土寧辭五  
嶺之災無有遐心行歌四牡之勞某罔功曳履有

請投簪我營小山之居將委身而就老公作太元  
之草願載酒以相從

代董侍郎回辛運使克承

帖荆報政沂峽觀風原隰之事孔殷正煩咨度疆  
場之虞未靖尤藉轉輸賢者之來民所攸賴恭惟  
某官天資凝遠風韻浚明魏我千佛之姓名早宜  
臺閣屈折三神之步武晚落江湖茲煩漢節之華  
來假夔藩之重跨灑瀕之象木辭王事之艱難俯  
常山之蛇要識老臣之開濟飛騰自此翹企俟之  
某別德恍然為僚幸甚尚憐往日聽夜雨於巴山

安能扁舟披朝雲於巫峽

代回淮南林運使思

陞班中祕將漕邊陞禮樂而元益何有師  
旅因之飢饉敏手為宜天下風駕恭惟  
某官哭資膚敏德履弘深自於日畿益舒翹  
於歲最屬淮人之離散求勿忘漢德之寬仁  
帶牛佩犢徒得君重無徇民憂峻奎壁圖書之聯  
兼錢穀刑獄之任餽千金之日費正賴通材護數  
處之風寒更觀奇績某未遑望復其慶得輿遺我  
雙魚愧莫酬於繹駕夜四望願加必於馳驅

代回湖長范漕子長

肅將使拍兼擁州麾一道觀風足展澄清之志專  
城宣化又彰鎮撫之材重湖无憂四海相慶恭惟  
某官人門具美天分素高久矣踐揚名實孚於上  
下恬然歛退言行擇乎中庸公道方申薦章旁午  
宜絲綸之一札畀符節以並驅夏口武昌三國之  
山川如舊江沱漢廣諸侯之風化一新不俟席温  
即膺環召某摧頽暮齒塵綴朝紳只今數日以謀  
歸外無榮望期公五月之報政別致賀忱

